

君家有遺訓，清白貽子孫，我亦貞苦士，
 與君新結婚，庶保貧與素，偕老同欣欣。

3 別亡妻墓

天下節烈婦人多，而能盡夫道者轉少，此等詩，足見性情之厚。

清沈德潛

白衣白髮翁，來祭亡妻墓，麥飯澆山泉，
 生平此饜飫，汝魄依尊章，眷屬時相聚，
 我方遠行，征輶赴長路，眷焉不忍別，

欲去屢瞻顧，我心餘愴怳，恐汝常不寤，
 回首望高原，愁雲滿深樹，去去天一涯，
 魂夢難飛度，我生復幾何，崦嵫景將暮，
 百歲歸其居，行與汝重遇。

4 示內

此詩處貧，終身可泯怨尤，
視牛衣對泣者，身分遠過。

清沈受宏

莫歎貧家卒歲難，北風曾過幾番寒，
 明年桃柳堂前樹，還汝春光滿眼看。

5 新嫁娘

唐王建

三日入廚下，洗手作羹湯，未諳姑食性，先遣小姑嘗。

6 新嫁娘

清沈德潛

未熟姑心性，但聞姑最賢，愛姑如愛母，妾自得姑憐。於唐人詩意外，翻進一解，可以教孝。